



SANFE DEMELI

**Sebennikela
Watson Goodman**

**Nin seben be di gwansan,
a te feere.**

SANFE DEMELI

“Sanfe Demeli” sebenna ka ke seben fitinin ye walasa mogo mana taa yoro o yoro, a be se ka a ta a yere kun. Koo kelen sebenna seben fura o fura sanfe. O koo, Ala ka kuma yoro dow sebenna ka ben ni o koo kelen ye. O cogo la, Ala ka kuma be a yere gweya.

Tlennenya minnogo ani tlennenya kongo be mogo min na, o na demeli soro ka bo Ala ka kuma la, o min be bo sanfe. Ni mogo be nimisi ka a ka jurumu bila, o koo ka la Kisiba Yesu Krisita la ni a dusukun bee ye, Matigi na i yere yira a la ka a yere ka nyagari ani here don a dusu la. O kisili ni nyagari ni here sera ne yere dusu ma 1937 la. Ka bo o doon na fo ka se bi ma, jennyogonya ma tige ne ni ne Matigi ce. O koon, ne be i dali sisan ko ni i ma i yere di Matigi Yesu ma folo, i ka o ke bi. Ala ka duba i ye. —Watson Goodman

Ala Ka Kanuya

1

Yirali 1:5

Ani Yesu Krisita, seere tlennen, suw la folo bangilen, ani dugukolo kan masakew ka masakɛ, neema ni dusu suma ka di aw ma ka bo olu la.

Romekaw 5:8, 9

Nga Ala ye an kanu cogo min na, a ye o yira nin koo de la, ka an jurumuto to, Krisita sara an ye, janko jo dilen koo an ma Yesu joli koson, an na kisi Ala ka dimiya ma Yesu barika la.

Yuhana 13:1

Sanni Temenkan seli ka se, Yesu y'a lon ko a ka waati sera ka bo nin dien na ka taa a Faa ma.

Ayiwa, a yere ka mogo minw be dien na, a tun ye u kanu, a ye u kanu fana fo a laban.

Zeremi 31:3

Ka Zehofa to yoro jan na, a y'i yira ne la, a ko: Ne ye i kanu ni kanuya banbali ye, o de koson ne ye ne ka nyumanya to i fe.

Yuhana 15:13

Kanuya te mogo si fe ka temen nin kan, ka a nii di a teriw koson.

Yuhana 3:16

Ala ye dien kanu haali, fo a ye a Denke kelenpe di, walasa mogo o mogo lara a la, o kana halaki, nga o ka nyanamanya banbali soro.

1 Timote 3:16

Ala nyaa siran gundo kabon haali, sɔsɔli tɛ o la. Ala farikolo-man y'i yira, jo dira a ma Nii Senu fɛ, a yera mɛlɛkew fɛ, a koo waaju-li kera siyaw cɛman, danaya kera a la dien na, a korɔtara ka taa nɔɔɔ la.

Yuhana 14:9, 10a

Yesu y'a fɔ a ye: Bi ma ne ni aw bila nyɔɔn fɛ, i ma ne lon wa, Filipe? Min nyaa lara ne kan, o nyaa lara ne Faa kan. I dun b'a fɔ cogo di, ko ne ka ne Faa yira aw la? I ma la a la ko ne bɛ ne Faa la, ko ne Faa bɛ ne la wa?

Matiyu 1:22, 23

O koo bɛɛ kera ten walasa Mati-gi ka kuma min fora kira dɔ fɛ, o ka dafa, ko: A fɛ, npogotigi na kɔnɔ taa, ka denke sɔɔɔ, u na a tɔɔ la Emanuwel, o kɔɔɔ, Ala bɛ an cɛman.

Yuhana 1:1, 14

Fɔlɔfɔlɔ, Kuma tun bɛ, o Kuma tun bɛ Ala daa fɛ, o Kuma tun ye Ala de ye... O Kuma kera farisogo ye, ka sigi an cɛman. An ye a nɔɔɔ lajɛ, o nɔɔɔ bɛ iko Denke kelenpe taa min bɔra Faa Ala la. A falen bɛ neema ni tinyɛ la.

Yesu Ala Denke

3

Luka 1:35

Meleke y'a jaabi, ko: Nii Senu be na i kan, Korotalenba ka seba-ya na biri i kan. O de y'a to fana, deen senuman min bena bangi i fe, o na wele Ala Denke.

Matiyu 17:5

Ka a to o kuma la, sankaba yee-len bolen birila u kuun na, kuma kan do bora sankaba la, a ko: Nin ye ne Denke kanulen de ye. A koo kadi ne ye haali. Aye a lamen.

Yuhana 1:33, 34

Ne koni tun ma a lon, nga min ye ne cii ko ne ka batiseli ke jii la, o de y'a fo ne ye, ko ne mana Nii Senu jiginto ye ka sigi min kuun

na, o de be batiseli ke Nii Senu la. Ne y'a ye ka seereya ke ko nin de ye Ala Denke ye.

Kolosekaw 2:9

Katuguni Alaya dafalenya fari-koloman, o bee sigilen be ale de konɔ.

1 Yuhana 4:15

Mogo o mogo y'a fo ko Yesu ye Ala Denke ye, Ala tolen be o la, o tolen be Ala la.

Ezayi 9:5

Deen bangira an ye, denke dira an ma. Kuntigiya na la a kaman kan. A togo na wele ko Kabako, Nyayirala, Sebayatigi Ala, Abada Faa, Here Kuntigi.

Yuhana 8:23

A y'a fɔ u ye, ko: Aw ye dugu-
ma taw ye, ne kɔni ye sanfɛ taa
ye. Aw ye nin dien taw ye, ne tɛ
nin dien taa ye.

Yuhana 11:25

Yesu y'a fɔ a ye: Ne de ye suu
kununni ni nyanamanya ye. Nin
min lara ne la, hali ni o sara, a na
nyanamanya.

Yuhana 13:13

Aw bɛ ne wele Karamɔgɔ ni Ma-
tigi, aw ye tinyɛ fɔ, katuguni ne
ye o ye.

Yuhana 6:35

Yesu y'a fɔ u ye: Ne de ye nya-
namanya dumunifɛn ye. Nin mɔ-

gɔ min nana ne ma, kɔngɔ tɛ o
minɛ. Nin min lara ne la, minnɔgɔ
tɛ o minɛ abada.

Yuhana 8:58

Yesu y'a fɔ u ye: Tinyɛ, tinyɛ,
ne b'a fɔ aw ye, sanni Ibrahimama
ka bangi, ne bɛ yen.

Yuhana 10:7

Yesu y'a fɔ u ye kokura, ko: Tin-
yɛ, tinyɛ, ne b'a fɔ aw ye, ne ye
sagaw ka daa ye.

Yuhana 4:25, 26

Muso y'a fɔ a ye: Ne y'a lon ko
Masiya bɛ na, o kɔrɔ ko Krisita.
O mana na, a na fɛɛn bɛɛ fɔ an ye.
Yesu y'a fɔ a ye, ko: O ye ne de
ye, ne min bɛ kuma i fɛ.

Yesu Ka Kabako Kelen Dow Fle

5

Matiyu 20:30, 34

U y'a men minke ko Yesu temento lon, u perenna, ko: Matigi, Dawuda Denke, makari an na . . . U hine ye Yesu mine, a magara u nyaw la. O yoro nin be u ye yeli ke, u tugura a noo fe.

Matiyu 21:19

A ye tubabu torosun do ye sira daa la. A y'i madon a la, nga a ma foyi soro a la fura koo. A y'a fo a ye: Deen si kana bo i la tun abada. O yoro nin be torosun jaara.

Matiyu 14:19-21

A ye o buru kuun duuru ni jenge fila ta, ka a nyaa korota sanfe, ka duba ta a ye. O koo, a ye buru kari-

kari, ka a di kalandenw ma, kalandenw y'a di jama ma. U bee ye dumuni ke k'u fa. U ye dumuni kunkurun to tolenw ce ka segi tan ni fila fa. O dumunikelaw ye cee waa duuru nyogon bo, musow ni denmisenw seen t'a la.

Luka 5:4-6

A tialen koo a ka kuma la, a y'a fo Simon ye, ko: I ka kurun madon dun na ka aw ka jow bila jii la ka moni ke. Simon y'a jaabi, ko: Karamogo, an sira baara la, an ma foyi mine, nga i ka kuma koson ne na jow bila jii la. U y'o ke minke, u ye jenge caman mine kosebe fo u ka jo bira tigeli la.

Yesu Krisita Ye Danba Ani Matigi Ye

Heburuw 1:2

Ala . . . nga a kumana an fe nin lonw laban na a Denke de la. A ye o sigi ka a ke feen bee ceen tala ye. A ye dienw dan fana o barika la.

Kewaliw 2:36

Israyeli ka soo bee ka a lon ka gweya a la, ko aw ye nin Yesu min gwengwe yiri la, Ala ye o ke Matigi ni Krisita ye.

Romekaw 14:9

Nin de y'a to Krisita sara ka nyanamanya, walasa a ka sigi suw ni nyanamanw kuun na.

Efezekaw 3:9

Ko gundo min dogolen tun be feen bee danba Ala la kabini waa-

tiw daa mine, o nyanaboli ye min ye, ne ka o labo kene la mogow bee nyaa na.

Yuhana 1:3

Feen bee danna o de fe. Feen o feen danna, o si ma dan ni ale noo te.

1 Korontekaw 1:9

Ala ye kantigi ye, ale de ye aw wele ka ke a Denke an Matigi Yesu Krisita jennyogonw ye.

Kolosekaw 1:16

Katuguni sankolo la fenw ni dugukolo kan fenw, feen yetaw ni feen yebaliw, masa sigi yorow ni matigiyaw, kuntigiyaw ni fangaw, feen bee danna ale fe ni ale ye ani ale la.

Yesu Krisita Ye Feen Bee Kiiritigela Ye

7

Matiyu 25:32

Siyaw bena lajen a nyaa koro, a na u fara ka bo nyogon na, iko sagagwenna be sagaw ni baw fara ka bo nyogon na cogo min na.

Kewaliw 10:42

Yesu ye cii fo an ye ko an ka mogow waaju ka fo ka a gweya ko Ala ye min sigi ka ke nyanamanw ni suw kiiritigela ye, o ye ale de ye.

Romekaw 2:16

Ni Ala be mogow ka koo dogolenw kiiritige Yesu Krisita bolo loon min na, ka kenye ni ne ka ki-baru diman ye.

2 Timote 4:1

Ne b'a gweleya i ma Ala ni Krisita Yesu nyaa na, o min bena kiiritige nyanamanw ni suw kan, ka a gweleya i ma a yirali ni a ka masaya koon.

Luka 3:17

A ka lefe be a bolo, a na a ka gwendekene furan ka a sebe jen, ka nyoo lasagon a ka jigine kono, nga a na nwenye jeeni tasuma sabali la.

Romekaw 14:10

E koni, mun y'a to i be i balima jalaki? E fana, mun y'a to i be i balima mafyanya? An bee na an jo Ala ka kiiritige yoro la.

8 Kunmaboli Be Soro Yesu Krisita Kelenpe Fe

Yuhana 10:9

Ne de ye daa ye. Nin min donna ne fe, o na kisi, ka don, ka bo, ka dumuni ke yoro soro.

Yuhana 14:6

Yesu y'a fo a ye: Ne de ye sira ye ani tinye ani nyanamanya. Mogo si te na ne Faa ma ni ne noo te.

Heburuw 5:9

A dafalen koo, a kera abada dababa ye a kan mincbaw ye.

Yuhana 8:24

O de y'a to ne y'a fo aw ye ko aw na sa ka aw to aw ka jurumuw la, katuguni aw ma la a la ko ne

ye ale de ye, aw na sa ka aw to aw ka jurumuw la.

Heburuw 7:25

O de koson fana, minw be gere Ala la ale bolo, a be se ka olu kisi fo a laban, kamasoro a nyanaman be to fo abada ka dalili ke u ye.

Romekaw 3:24

Jo be di u ma gwansan a ka neema barika la kunmaboli fe, o kunmaboli min be Krisita Yesu la.

Kisili te soro do were si la ale koo, katuguni an kakan ka kisi togo min fe, o si ma di mogow ceman sankolo jukoro, ale togo koo.
—Kewaliw 4:12

Kunmaboli Bɛ Soro Yesu Krisita Kelenpe Fɛ 9

Tite 2:14

O de ye a yere di an kɔson, walasa a ka an kunmabo koo jugu bɛɛ ma, ka siya do saniya a yere ye, u ka ke a yere taw ye, ka u jija kewali nyumanw la.

U ye tanuli donkili kura la, ko: E de kakan ni kitabu tali ye, ani ka a taamashyenw daa yele, katuguni i fagara, i ye mogo dow san Ala ye i joli la ka bo bonsonw bɛɛ ni kanw bɛɛ ni mogo sifaw bɛɛ ani siyaw bɛɛ la. —Yirali 5:9

Kolosekaw 1:12-14

Aw ka barika la an Faa ye, o de ye an laben ka niyoro soro senu-manw ka ceen na kene la. A ye an tla ka bo dibi fanga la, ka an ladon

a Denke kanulen ka masaya la. An ye kunmaboli soro ale de la, jurumu yafa koni.

Luka 19:10

Min tununa, Mogo Denke nana o nyini, ka a kisi.

Galasikaw 3:13

Krisita ye an kunmabo ton ka danga ma, ale yere kera danga ye an noo na—kamasoro a sebennen be, ko: Mogo o mogo dlonna yiri la, o dangalen be.

1 Korentekaw 1:30

Aw koni be Krisita Yesu la ale de barika la. Ala ye Yesu ke hakili tigiya ye an ye, ani tlennanya ni saniyali ani kunmaboli.

1 Yuhana 1:7

Nga ni an be taama kene la, iko ale yere be kene la cogo min na, an ye jennyogonw de ye, a Denke Yesu Krisita joli be an saniya jurumu bee ma.

Romekaw 5:9

Janko jo dilen koo an ma Yesu joli koson, an na kisi Ala ka dimiya ma Yesu barika la.

Matiyu 26:28

Nin ye ne joli de ye, layidu kura joli, a bonna mogo caman ka jurumuw yafa kama.

1 Piyere 1:18, 19

Kamasoro aw b'a lon ko aw ma kunmabo ni feen tolitaw ye, iko wari ni sanu, ka bo aw ka taama

cogo fufafu la, aw kalanna o min na aw faw fe. Nga aw kunmabara ni Krisita joli ye, o kafisa feen bee ye, i n'a fo sagaden joli, noo si t'a la, nogo yoro t'a la.

Romekaw 5:11

O doron te, an be nyagari kosebe fana Ala la an Matigi Yesu Krisita barika la. Ale de barika la a an ye an ni Ala ce labenni soro sisan.

Nga Krisita joli be saniyali ke ka temen o kan kosebe. A ye a yere ke saraka ye Ala ma, abada Nii barika la, noo si t'a la. A joli be aw dusukun saniya ka kewali salenw bo a la, walasa aw ka baara ke Ala nyanaman ye. —Heburuw 9:14

Min Lara Yesu Krisita La, O Be Kisi

11

Efezekaw 2:8, 9

Aw kisilen be neema de barika la danaya fe. O ma bo aw yerew la de, Ala ka nilifen lon. O te kewaliw noo ye, walasa mogo si kana a yere bonye.

Romekaw 5:1

Jo dira an ma danaya barika la. O de koson, here donna an ni Ala ce an Matigi Yesu Krisita barika la.

Galasikaw 5:6

Krisita Yesu la, bolokoli o, bolokobaliya o, nafa te u si la. Danaya min be baara ke kanuya barika la, nafa be o de la.

Yuhana 20:31

Nga nin kow sebenna walasa aw ka la a la ko Yesu ye Krisita ye, Ala Denke, ani walasa ni aw lara a la, aw ka nyanamanya soro a togo la.

Yuhana 6:28, 29

U y'a fo a ye: An na mun ke ka Ala ka kewaliw ke? Yesu ye u jaa-bi, ko: Nin de ye Ala ka kewali ye, Ala ye min cii, aw ka la o la.

1 Yuhana 5:4

A ka ciw mangwela, kamasoro min bangira Ala fe, o be see soro dien kan. See min be soro dien kan, o ye nin de ye, an ka danaya.

2 Korintekaw 1:3

Tanuli ka ke an Matigi Yesu Krisita Faa Ala ye, makari Faa ani dusu saloli bee tigi Ala.

Zaburuw 103:11

A be makari min ke a nyaa siranbaw la, o kabon, a be sankolo ni dugukolo ce janya bo.

Zaburuw 103:17

Nga Zehofa ka makari be a nyaa siranbaw la kabini folofolo fo abada. A ka tlennenya be denw taa denw kan.

Zaburuw 108:5

Katuguni i ka makari kabon sankolow sanfe, i ka kantigiya sera fo sankabaw ma.

Tite 3:5

An yerew ye kewali nyuman minw ke, olu noo te de, a yere ka makari noo lon, o kera bangi kokura koli ni Nii Senu ka kurayali barika la.

Joni ye i bonyogon koo Ala ye, e min be tlenbaliya yafa, min te i hakili to i ka cenw to tolenw ka ton cenni kow la? A diminen tena to fo abada, katuguni makari koo kadi a ye haali. —Mise 7:18

Zeremi ka Kasili Kan

Donkili 3:22, 23

Zehofa ka makari de y'a to an ma ban, katuguni a ka hinc kow te ban. U be kuraya sogoma o sogoma. I ka kantigiya kabon haali.

Ezayi 1:18

**Zehofa ko: Aye na sa, an ka nyo-
gon famu. Hali ni aw ka jurumuw
blenna, u na gweya iko nezi. Ni u
blenyara fo ka fin, u na ke iko
sagasi gweman.**

Yuhana 7:37

**Seli loon laban, seli loonba,
Yesu ye i jo yen ka peren, a ko: Ni
minnogo be mogo min na, o ka na
ne ma k'i min.**

Yirali 22:17

**Nii Senu ni konyomuso b'a fo:
Na. Min b'a men, o k'a fo: Na.
Minnogo be min na, o ka na. Nin
min sonna, o ka nyanamanya jii
min gwansan.**

Matiyu 11:28

**Aye na ne ma, aw minw bee se-
genen be, ni aw doninen be, ne na
lafinye di aw ma.**

2 Korontekaw 5:20

**An ye ciden fangamanw ye Kri-
sita noo na. A be iko Ala be waa-
juli ke an daa la. An be aw dali
Krisita noo na ko aw ka son aw ni
Ala ce ka ben.**

Ezayi 55:1

**Minnogotow, aw bee ka na jiw
yoro la, ani wari te min fe fana.
Aye na ka sanni ke ka dumuni ke.
Aye na ka duwen ni nono san ni
wari te, songo t'a la.**

Mogow Bee Te Ala Denw Ye

1 Yuhana 3:10

Ala denw ni Sitane denw be lon ka bo nyogon na nin de la, mogow o mogow te to ka tlennanya ke, o ma bo Ala la, o ni min te a balima kanu fana.

Romekaw 8:14, 15

Ala Nii ye minw nyamincha ye, olu bee ye Ala denw ye. Aw ma jonya nii sorow, ka kosegin ka siran kokura, nga aw ye denya nii sorow. Ale de b'a to an be peren, ko: Aba, an Faa.

2 Korentekaw 6:17, 18

O de y'a to, aw ka bo u ceman ka fara u la, Matigi ko ten. Aw

kana maga fecn saniyabali si la. Ni aw ye o ke, ne na son aw la, ne na ke aw Faa ye. Aw na ke ne denkew ni ne denmusow ye. Matigi Sebayabectigi ko ten.

Filipekaw 2:15

Walasa aw ka ke jalakibali gwelenw ye, Ala deen jalakibaliw, mowolo tlenbali tulo gwele ceman, k'a sorow aw be yeelen bo u ceman iko fitinew be dien na cogo min na.

Yuhana 1:12

O be n'a ta, minw sonna a ma, a ye fanga di olu bee ma ka ke Ala denw ye, olu minw lara a togo la.

Ala Be Kuma Minnifen Farimanw Koo La 15

Talenw 23:31, 32

I kana i nyaa la duwen kan ni a blenna, ni a be kanga fileen kono, ni a be furufuru tuma min na. A laban na, a be mogo cin i n'a fo saa, a b'a cin i n'a fo dankalan.

Ezayi 5:11

Mogo minw be soli ka wuli, walasa u ka minnifen farimanw min ka men u nyaa na, fo dlo be u nyanamini, bone be olu ye.

Galasikaw 5:19-21

Ayiwa, farisogo ka kewaliw y'u yira, u fle ninw ye, jatoya, ngolenya, kakalaya, boli batoli, subaya, nyogon juguya, kele, keleya,

dusu dimi kow, bila nyogon na kow, sosoli kow, kan tlali kow, koniya, mogo fagali, dlotoya, koo kolonya, ani olu bonyogon kow. Ne be aw lasomi, iko ne tun y'a fo aw ye kaban cogo min na, ko mogo minw be o kow ke, olu tena Ala ka masaya soro ceen na.

Romekaw 13:13, 14

An ka taama cogo tlennen na, iko tile fe la cogo. An kana taama tloon juguw ni dlotoya la, wala jatoya ni kakalaya la, wala kele ni keleya la. Nga aye Matigi Yesu Krisita don aw la, aw kana fari-sogo nege kow nyasigi.

Talenw 16:25

Sira do be yen, a tlennen lon mogo nyaa na, nga a laban ye saya siraw ye.

Marika 10:17-22

Ka a taato to sira fe, cee do bolila ka taa i nyongiri a korɔ, ka a nyininga, ko: Karamogo nyuman, ne ka mun ke walasa ne ka nyanamanya banbali soro? Yesu y'a fo a ye, ko: Mun na i be ne wele nyuman? Nyuman si te fo kelen, o ye Ala ye. I be cii folen lon. I kana jatoya ke. I kana mogo faga. I kana sonyeli ke. I kana galon see-reya ke. I kana mogo si tonyo. I

ka i faa ni i baa bonye. O cee y'a fo a ye: Karamogo, ne ye o ciw bee mara kabini ne denmisenma. Yesu y'a mafle, a y'a kanu. A y'a fo a ye, ko: Feen kelen be i je. Taa i bolofen bee feere, ka a di fantanw ma, nafoloba na ke i fe sankolo la. O koo, i ka na tugu ne la. A nyaa kumuna o kuma koson. A nyanasisilen taara, kamasoro nafoloba tun be a fe.

Matiyu 22:37, 38

A y'a fo a ye: I ka i Matigi Ala kanu ni i dusukun bee ye, ani i nii bee, ni i hakili bee. O ye cii folen folofolo ni ciw bee la belebele de ye.

Yakuba 1:22

Aw ka ke Ala ka kuma kebaw ye, aw kana ke a menbaw doron ye, ka aw yerew lafili.

Efczekaw 5:6

Mogo si kana aw lafili ni kuma fu ye, katuguni o kow de b'a to Ala ka dimiya be na kan bilali denw kan.

1 Yuhana 3:7, 8a

Denmisenw, mogo si kana aw lafili. Nin min be tlennenya kan, o tlennen be, iko ale yere tlennen be cogo min na. Nin min be to ka jurumu ke, o bora Sitane de la, katuguni Sitane be jurumu ke kabini folofolo.

Galasikaw 6:3

Ni mogo do y'i miiri ko ale ye feen ye, k'a soro a te feen ye, o be a yere lafili.

Matiyu 24:5

Mogo caman be na ne togo la k'a fo ko u ye Krisita de ye. U na mogo caman lafili.

1 Korentekaw 6:9, 10

Aw ma a lon ko tlenbaliw tena Ala ka masaya soro wa? Aw kana aw yerew lafili, kakalaw o, boli batobaw o, jatow o, musomaw o, cee nyogon nyininaw o, sonyelikelaw o, wasabaliw o, dlotow o, nenilikelaw o, binkanikelaw o, olu si tena Ala ka masaya soro.

Jurumu Bɛ Mɔgɔ Bila Saya La

Talenw 11:19

Mɔgɔ min tora tlennɛnya kan, o na nyanamanya sɔrɔ. Min bɛ juguya nɔɔ fɛ, o na saya sɔrɔ.

Yakuba 1:15

Nege dun mana kɛnɔ ta, a bɛ jurumu bangi. Jurumu mana dafa, a bɛ saya bangi.

Rɔmekaw 8:6

Farisogo kow miirili ye saya ye, nga Nii Senu kow miirili ye nyanamanya ni herɛ de ye.

Rɔmekaw 5:12

A bɛ tan. Jurumu donna dien na mɔgɔ kelen barika la. Saya sera Adama denw bɛɛ ma, kamasɔrɔ u

bɛɛ ye jurumu kɛ. Sanni ka ton sigi, jurumu tun bɛ dien na, nga jurumu tɛ jati ni ton tɛ yen.

Luka 15:32

Nga an kakan ka nyanagwɛ ka nyagari, katuguni i dogokɛ min ye nin ye, a salɛn tun bɛ, a nyana-manyara, a tun tununa, a yera.

Ezekiyel 18:20

Mɔgɔ min ye jurumu kɛ, o de na sa. Faa ka tlenbaliya tena bila a denke kun, denke ka tlenbaliya tena bila a faa kun. Mɔgɔ tlennen ka tlennɛnya na kɛ a yere kun, mɔgɔ jugu ka juguya na kɛ a yere kun.

Luka 7:14, 15a

A y'i gere u la ka a bolo la suutalan kan, suu doninaw y'u jo. A ko: Kamalen, ne b'a fo i ye, wuli. O suu wulila k'i sigi ka kuma daa mine.

Yuhana 11:43, 44

A ye o fo tuma min na, a perenna kosebe, ko: Lazare, bo kenema. Suu bora, a bolow ni a senw sirilen be kasange la, kuun na sirilan be a nyada la. Yesu y'a fo u ye: Ay'a foni ka a bila a ka taa.

Yuhana 10:17, 18

Ne Faa be ne kanu nin de kason, katuguni ne be ne nii di walasa ne ka a ta kokura. Mogo si t'a bosi ne la nga ne yere b'a di. Fanga be

ne fe ka a di, fanga be ne fe ka a ta kokura. O cii fora ne ye ne Faa fe.

Yirali 1:18

I kana siran, ne ye folo ni laban ye. Ne nyanaman lon, ne tun sara, a fle, ne nyanaman be to abada fo abada. Saya ni Hadesi konnege be ne bolo.

1 Korintekaw 15:24-26

O koo, laban na se. Kuntigiya bee ni fanga tigiya bee ani sebaya bee bannen koo a fe, a na masaya don Faa Ala bolo, katuguni wajibi lon a ka sigi masaya la fo a ka a juguw bee bila a seen koro. A jugu min na ban feen bee koo, o ye saya ye.

Duterɔnɔme 5:7-21

Ko i kana batofen were si ke i fe ale kɔɔ.

I kana jaa lesenen si dlan i yere ye, sankolo la feen wala dugukolo kan feen wala dugukolo jukoro jii la feen, i kana olu si bisigi dlan i yere ye. I kana i biri u koro, i kana baara ke u ye. . . .

I kana Zehofa i ka Ala togo fo fu. Nin min be Zehofa togo fo fu, Zehofa tena o tigi to jalakibali ye.

I hakili to lafinye loon na ka a saniya, iko Zehofa i ka Ala y'a fo i ye cogo min na. I ka baara ke tile woro koro ka i ka baara bee ke, nga tile wolonwula loon ye Zehofa i ka Ala ka lafinye loon ye. . . .

I faa ni i baa bonye, iko Zehofa i ka Ala y'a fo i ye cogo min na, wala Zehofa i ka Ala be jamana min di i ma, i shii tilew ka caya, ani i ka here soro o la.

I kana mogo faga.

I kana jatoya ke.

I kana sonyeli ke.

I kana galon seereya ke i mogo nyogon kan.

I nyaa kana bo i mogo nyogon muso fe. I nyaa kana bo i mogo nyogon ka soo fe, wala a ka foro wala a ka jonke wala a ka jonmuso wala a ka misi wala a ka fali. I nyaa kana bo i mogo nyogon ka feen si fe.

I Te Se Ka I Yere Dogo Ala Ma

21

Luka 8:17

Gundo si te fana ni a tena bo kene kan ka lon.

Zobe 34:21, 22

Ala nyaa be mogo ka siraw kan, a be a taama cogo bee kolosi. Dibi ni saya suma te yen ka ke tlenbaliya kebaw dogo yoro ye.

Zeremi 23:24

Mogo be se ka a yere dogo yoro dogolen na, walasa ne kana a ye wa? Zehofa ye o fo. Ne te sankolo ni dugukolo fa wa? Zehofa ye o fo.

Zaburuw 139:8, 12

Ni ne yelala ka taa sankolo kono, i be yen, ni ne be ne la Hadesi kono, a fle, i be yen. . . . Dibi te

dibi ye i nyaa na, suu be kene bo iko tile, dibi ni kene kakan i nyaa na.

Talenw 15:3

Zehofa nyaa be yoro bee la, a be mogo juguw ni mogo nyumanw kolosi.

Heburuw 4:13

Danfen si dogolen te a nyaa na, nga an kakan ka an konyew nyaa fo min ye, feen bee lakolon lon, u daa yelalen be o nyaa koro.

Kewaliw 17:27

A b'a fe u ka Matigi nyini, ni u mamoli keto be se ka a soro, hali k'a soro a yoro manjan an si la, katuguni ale de la, an be.

22 Ala Nyaa Siranbaliw Na Abada Tɔɔɔ Sɔɔɔ

2 Piyere 3:7

Nga sankolo ni dugukolo minw be sisan, olu maralen be o kuma kelen barika la tasuma kama. U bilalen be kiiri loon ni Ala nyaa siranbaliw halaki loon nyaa.

Matiyu 25:46

Olu na taa tɔɔɔ banbali la, tlenenw na don nyanamanya banbali la.

Matiyu 13:41, 42

Mɔgɔ Denke na a ka melekew cii, feen minw bee be mɔgɔw kunnantinye, ani minw be koo jugu ke, u na olu bee ce ka u bo a ka masaya la. U na u bee fili gwan tugu tasuma kɔɔ, kasi ni nyiin nyimi na ke yen.

Matiyu 18:8

Ni i bolo wala i seen be i bila jurumu la, a tige ka a fili. I bolo kelen tigi wala i seen kelen tigi ka don nyanamanya la, o kafisa i ma i bolo fila tigi wala i seen fila tigi ka bila tasuma sabali la.

Romekaw 1:18

Ala ka dimiya y'i yira ka bo sankolo la, mɔgɔw ka Ala nyaa siranbaliya ni u ka tlenbaliya bee kama, olu minw be tinye bali ni u ka tlenbaliya ye.

Zaburuw 9:18

Mɔgɔ juguw na lasegin koo fe ka bila Hadesi kɔɔ, olu ni siya minw bee nyinena Ala koo.

Heburuw 9:27

A latigera mɔgɔw ye, ko u ka sa sinyε kelenpe, o kɔɔ, kiiri na tige.

2 Piyere 2:9

O cogo la Matigi be se ka Ala nyaa siranbaw tla korɔboli la, ka mɔgɔ tlenbaliw mara kiiri loon nyaa tɔɔrɔ kama.

2 Korɛntekaw 5:10

Wajibi lon an bεε ka an yerew yira Krisita ka kiiritige yɔrɔ la, walasa mɔgɔw bεε kelen kelen ye min kε ka u to u farikolo la, koo nyuman o, koo jugu o, u ka o sɔrɔ ka kenye ni u ka kewaliw ye.

Yirali 20:12

Ne ye suw bεε ye, kunbabaw ni dɔgɔmaniw, u jɔlen bε masa sigi-

lan nyaa korɔ. Kitabuw daa yelela. Kitabu dɔwεrε daa yelela, o ye nyanamanya kitabu ye. Kiiri tige-ra suw kan o kitabuw koo seben-nenw la, ka kenye ni u ka kewaliw ye.

Kewaliw 17:31

Katuguni a ye loon dɔ sigi, a na kiiritige dien kan ni tlennanya ye a ka cεε lasigilen de bolo. A ye taa-mashyen gwelen kε o la mɔgɔw bεε ye, katuguni a y'a lakunun ka bɔ suw cεman.

1 Yuhana 4:17

Kanuya bε dafa an fε nin de la walasa an jaa ka gwεleya kiiri loon na, katuguni ale bε cogo min na, an fana bε dien na o cogo de la.

2 Kɔrentekaw 9:15

Barika Ala ye a ka nilifen dama lonbali kɔson.

2 Kɔrentekaw 8:9

Aw ye an Matigi Yesu Krisita ka neema lon, ko a feen tigiman kera fanntan ye aw kɔson, walasa aw ka feen tigiya ale ka fanntanya fe.

Kɛwaliw 4:33

Cidenw tun be Matigi Yesu kunnunni seereya ke ni sebayaba ye, neemaba kera u bee kan.

Romekaw 5:15

Nga o hake koo ni Ala ka nili te cogo kelen na. Ni mogo kelen ka hake y'a to mogo caman sara, a gweyalen be ka temen o kan ko

Ala ka neema ani nilifen min ye mogo kelen Yesu Krisita ka neema nɔɔ ye, olu cayara mogo tow bee ye.

Romekaw 9:16

O de kɔson, o te mogo sago nɔɔ ye, o te mogo ka boli nɔɔ ye, o ye makarikela Ala de nɔɔ ye.

Tite 3:7

Walasa jo dilen koo an ma a ka neema barika la, an ka ke ceen talaw ye, ka kenye ni nyanamanya banbali jigi ye.

1 Piyere 5:5b

... Ala be kuncɛbaw kele, nga a be neema di yere majiginnenw ma.

Kewaliw 2:38

Piyere y'a fɔ u ye, ko: Aye nimisi aw ka jurumuw la, aw bee kelen kelen ka batise Yesu Krisita togo la aw ka jurumuw yafa koson.

Matiyu 3:2

A ko: Aye nimisi aw ka jurumuw la katuguni sankolo masaya surunyara.

Kewaliw 17:30

Ala ma o lonbaliya tumaw jati, nga sisan a b'a fɔ mogow bee ye yoro bee, ko u ka nimisi u ka jurumuw la.

2 Korentekaw 7:10

Nyanasisili min benna Ala ma, o de b'a to mogɔ be nimisi jurumu

la ka kisili soro. Nimisi te o nimisili la nga dien ka nyanasisili be saya de ke.

Luka 13:3

Ne ko, ayi, nga ni aw ma nimisi aw ka jurumuw la, aw benna halaki ten.

Kewaliw 3:19

Aye nimisi aw ka jurumuw la sa ka segin Ala ma, walasa aw ka jurumuw ka josi ka bo yen, wala-sa lafinye tumaw ka na ka bo Matigi fe.

Talenw 28:13

Nin min be a ka hakew dogo, o tigi ka koo te nye, nga min be jo u la ka u bila, o be makari soro.

Marika 2:5

Yesu ye u ka danaya ye minke,
a y'a fo o cee faan fila salen ye,
ko: Ne deen, i ka jurumuw yafara
i ma.

Matiyu 6:14

Ni aw be mogow ka hakew yafa
u ma, aw sankolo la Faa fana na
yafa aw ma.

Ezayi 55:7

Mogo jugu ka a ka sira bila,
mogo tlenbali ka a ka miirili cogo
bila. A ka kosegin Zehofa ma, a na
makari a la. A ka kosegin an ka
Ala ma, katuguni a na yafali koo
caya.

Ezekiyel 18:21

Ni mogo jugu yelemana ka a ka
jurumu kelenw bee daa bila ka ne
ka ton sigilenw bee kolosi ka sebe
koo ni tinye koo ke, o tigi nyana-
man na to, siga t'a la, a tena sa.

Kewaliw 5:31

Ala ye ale de korota a kini bolo
faan fe ka ke Masake ni Kisiba
ye, walasa a ka nimisili ni juru-
muw yafa di Israyeli ma.

Yirali 3:20

Ne jolen fle daa la ka daa gosi.
Ni mogo do ye ne kan men ka daa
yele, ne be don o fe, ka dumuni ke
a fe, a na dumuni ke ne fe.

Ezayi 1:16

Aw ka aw ko ka aw gweya. Aw ka aw ka kewali juguw bila ka u bo ne nyaa korɔ ka koo jugu keli daa bila.

Tite 2:11, 12

Katuguni Ala ka neema min be na ni kisili ye mogow bee ye, o y'i yira. O be an kalan ko an ka ban Ala nyaa siranbaliya ni nin dien negew ma, ka taama nin waati tuma la ni hakili sigilen ni tlen-nya ni Ala nyaa siran ye.

1 Yuhana 2:15, 16

Aw kana dien kanu, aw kana dien konɔ fenw kanu. Ni do ye dien kanu, an Faa kanuya te o tigi konɔ

fewu, katuguni feen minw bee be dien na, farisogo nege, nyaa nege, ani dien ka yere yirantiya, olu ma bo an Faa la mene, u bora dien de la.

Kolosekaw 3:2

Aye miiri sanfe fenw la, aw kana miiri dugukolo kan fenw la.

Efezekaw 5:11

Aw ni dibi kewali nafantanw kana jen nga aw ka u korɔfo yere.

Yakuba 4:4

Jaatow, aw m'a lon ko dien teriya ye Ala juguya de ye wa? Min b'a fe ka ke dien teri-ye, o ye a yere ke Ala jugu de ye.

1 Yuhana 2:29

Ni aw y'a lon ko ale tlennen lon, ay'a lon fana ko mogo o mogo be tlennenya kan, o bangira ale de fe.

Ezekiyel 36:26

Ne na dusukun kura fana di aw ma ka nii kura ke aw kono. Ne na dusukun magaman di aw ma.

Yuhana 3:3

Yesu y'a jaabi, ko: Tinye, tinye, ne b'a fo i ye ni mogo ma bangi kokura, a te se ka Ala ka masaya ye.

1 Korontekaw 6:11

Aw dow tun be ten de, nga aw kora, aw bilara Ala ye ka saniya,

jo dira aw ma an Matigi Yesu togo la, ani an ka Ala Nii barika la.

2 Korontekaw 5:17

O de y'a to ni mogo do be Krisita la, a kera danfen kura ye. Feen korow temenna, a fle, feen bee kera kura ye.

1 Piyere 1:23

O ma ke ni sii tolita ye, fo sii tolibali, Ala ka kuma nyanaman banbali barika la.

1 Yuhana 5:18

An y'a lon ko mogo o mogo bangira Ala fe, o te to ka jurumu ke, nga min bangira Ala fe, o be a mara, o juguman te maga a la.

Saya Jurumu Taa Faan Fe—Nyanamanya Krisita La 29

Galasikaw 5:24

Minw ye Krisita Yesu taa ye, olu kɔni ye farisogo ni a negew ni a sagow gwengwe yiri la.

Efezekaw 2:1, 6

Aw kɔni salen tun be aw ka hakew ni aw ka jurumuw la . . . A ye an lakunun nyɔɔɔn fe fana, ka an sigi nyɔɔɔn fe sankolo yɔrɔw la Krisita Yesu la.

Romekaw 6:2, 11

An minw sara jurumu taa faan fe, an na to ka jurumu ke cogo di? . . . O cogo la, aw fana, aye aw yerew jati suw ye jurumu taa faan fe, ka aw jati nyanamanw ye Ala taa faan fe Krisita Yesu la.

1 Piyere 2:24

Ale yere ye an ka jurumuw ta a farikolo la yiri kan, walasa an ka ke salenw ye jurumuw taa faan fe, ka nyanamanya tlennenya taa faan fe. Aw keneyara ale gosili now fe.

Kolosekaw 2:13

Aw salen tun be aw ka hakew ni aw farisogo bolokobaliya la tuma min na, a ye aw ni ale nyanamanya nyɔɔɔn fe, k'a sɔrɔ a ye an ka hakew bee yafa an ma.

Kolosekaw 3:1

Ni aw ni Krisita kununna nyɔɔɔn fe, aye sanfe fenw nyini. Krisita sigilen be Ala kini bolo faan fe yen.

Galasikaw 6:8

Min ye danni ke a farisogo ye, o na tolilenya soro ka bo farisogo la. Min ye danni ke Nii Senu ye, o na nyanamanya banbali soro ka bo Nii Senu la.

Yuhana 3:14, 15

Musa ye saa korota kungokolo konso cogo min na, wajibi lon Mogo Denke fana na korota ten de, walaasa mogo o mogo lara a la, o kana halaki, nga o ka nyanamanya banbali soro.

Yuhana 17:3

E min ye Ala sebe kelenpe ye, ani i ye Yesu Krisita min cii, ka e ni o lon, o de ye nyanamanya banbali ye.

Yuhana 5:24

Tinye, tinye, ne b'a fo aw ye ko nin mogo min ye ne ka kuma lamena ka la ne ciba la, nyanamanya banbali be o tigi fe, o seen te kiiri la, nga a bora saya la ka don nyanamanya la.

Ramekaw 6:23

Jurumu sarafen ye saya ye, nga Ala ka nilifen ye nyanamanya banbali de ye Krisita Yesu, an Matigi la.

Yuhana 3:36

Nin mogo min lara a Denke la, nyanamanya banbali be o tigi fe. Nin min ma son ka la a Denke la, o tena nyanamanya ye, nga Ala ka dimiya tolen be o kan.

Galasikaw 4:6

Aw ye denkew ye, o de y'a to Ala ye a Denke Nii cii ka don aw dusukunw na, a be peren, ko: Aba, an Faa.

Ezayi 32:17

Tlennenya ka baara na ke here ye, tlennenya noo na ke lafinye ni jigi sigifen ye fo abada.

Romekaw 8:16

Nii Senu yere be seereya ke an nii fe, ko an ye Ala denw de ye.

1 Yuhana 3:18, 19, 24

Denmisenw, an ka kanuya kana ke daa la kuma ni neen kuun na, fo kewali ni tinya la. O de y'a to

an k'a lon ko an ye tinya taa ye, an na an dusukun sigi ale nyaa koro ... Nin min be ale ka cii folenw mara, o tigi tolen be ale la, ale tolen be o tigi la. An y'a lon ko ale tolen be an na, a Nii de barika la, a ye o di an ma.

Yuhana 14:21

Ne ka cii folenw be min bolo, ni a be u mara, o de be ne kanu. Min be ne kanu, ne Faa na o kanu, ne fana na o kanu ka ne yere yira a la.

1 Yuhana 4:13

Nin de y'a to an k'a lon ko an tolen be ale la ani ale tolen be an na, katuguni a ye a Nii do di an ma.

Yuhana 17:13

Sisan ne be taa i ma. Ne be nin kow fo dien na, walasa u ka ne ka nyagari dafalen soro u yerew kono.

Ezayi 12:3

Aw nyagarilen na jii bo kisili kolonw kono.

Katuguni Ala ka masaya te dumuni ni minni ye, fo tlennanya ni dusu suma ani nyagari, Nii Senu barika la. —Romekaw 14:17

Galasikaw 2:20

Ne ni Krisita gwengwena yiri la nyogon fe. Ne nyanaman lon, ne yere te mene, Krisita de be nyana-

manya ne kono. Ne be nyanamanya sisan farisogo la, ne be o ke Ala Denke danaya fe, o ye ne kanu ka a yere di ne koton.

Efezekaw 3:17a

Ko Krisita ka aw dusukunw ke a sigi soo ye danaya barika la.

Zaburuw 16:11

I na nyanamanya sira yira ne la. Nyagari dafalen be soro i nyaa koro, diyanye kow be i kini bolo fe fo abada.

Yuhana 15:11

Ne ye nin kow fo aw ye walasa ne ka nyagari ka ke aw kono, ani aw ka nyagari ka dafa.

Romekaw 6:16

Aw be aw yerew bila min bolo ka ke a ka jonw ye ka a kan mine, aw be min kan mine, aw ma a lon ko aw ye o tigi ka jonw ye wa? Ni jurumu taa lon, o laban ye saya de ye. Ni kan mineli taa lon, o laban ye tlenneya de ye.

2 Tesalonikew 1:7-9

... Aw minw tɔɔrolen be, ni Matigi Yesu y'i yira tuma min na ka bo sankolo la ni a ka sebaya melekew ye ni tasuma manaba ye, ka hake bo Ala lonbaliw ani Matigi Yesu Krisita kibaruru diman kan minebaliw la. Olu tɔɔro na ke halakili banbali ye. U na gwen ka bo

Matigi ni a ka sebaya nɔɔro korɔ a na tuma la.

1 Samuwel 12:15

Nga ni aw ma son ka Zehofa kan mine, ni aw murutira Zehofa ka cii fɔlen ma, o tuma la Zehofa bolo na aw kele, iko a ye aw benbaw kele cogo min na.

Duterɔnɔme 11:26-28

A fle, ne be duba ni danga bila aw nyaa korɔ bi. Ne be Zehofa aw ka Ala ka cii minw fo aw ye bi, ni aw ye olu lamɛn, o na ke duba koo ye. Ni aw ma Zehofa aw ka Ala cii fɔlenw lamɛn... o na ke dangali koo ye.

34 Ka I Jo Krisita La I Daa La, Wajibi Lon

Filipekaw 2:11

Ani neen kuun bee ka jo a la ko Yesu Krisita ye Matigi ye. O na nooro la Faa Ala kan.

Luka 9:26

Nin mogo min maloyara ne ni ne ka kuma ma, Mogo Denke na maloya o tigi ma, ni a nana ni a yere nooro ye tuma min na, ani a Faa nooro ani meleke senumanw fana nooro.

Matiyu 10:32, 33

Mogo o mogo y'a fo mogow nyaa na ko a sonna ne ma, ne fana n'a fo ne sankolo la Faa nyaa na ko ne sonna o tigi ma. Nga min ye i da-

lace ne la mogow nyaa na, ne fana na ne dalace o tigi la ne sankolo la Faa nyaa na.

Romekaw 10:9, 10

Ni i be i jo Matigi Yesu la i daa la, ka la a la fana i dusukun na ko Ala y'a lakunun ka bo suw ceman, i na kisi. Mogo be danaya ke a dusukun na ka tlennenya soro, a be i jo a la a daa la ka kisili soro.

1 Yuhana 2:23

Mogo o mogo be i dalace Ala Denke la, a Faa te o taa ye fewu. Mogo o mogo b'i jo Ala Denke la, a Faa fana ye o taa ye.

An Ka Juguba Ye Sitane Ye

35

2 Tesalonikekaw 2:9

O ton cenba nali be ke ka kenye ni Sitane ka baara ke cogo ye, ni kabako sifa bee ye.

Kewaliw 26:18

Ko ne ka u nyaw layele, walasa u ka bo dibi la ka don kene la, ka bo Sitane fanga la ka taa Ala ma, walasa u ka jurumu yafa soro, ka cen ta saniyalenw fe, olu minw bilara Ala ye ka saniya ale danaya barika la.

Matiyu 4:1, 10, 11

O kelen ko, Nii Senu ye Yesu nyaa mine ka taa n'a ye kungokolo ko, walasa a ka korobo Sitane

fe. . . . O tuma la, Yesu y'a fo a ye: Taa, ka bo yan, Sitane, katuguni a sebennen be, ko i ka i Matigi Ala bato ka baara ke o kelenpe ye. O ko, Sitane taara ka a to yen. Melekew nana ka a mako nye.

1 Piyere 5:8

Aye aw hakili sigi ka to aw nyaa na. Aw kele nyogon, Sitane, be yaalayaala i n'a fo waraba konboto. A be se ka min soro k'a dun, a be o de nyini.

Efezekaw 6:11

Aye Ala ka kele ke minenw bee don, walasa aw ka se ka jo ka Sitane ka nanbaraw kuunben.

Heburuw 2:14

Denw kera jennyogonw ye joli ni farisogo la. O de y'a to ale yere ye niyoro ta joli ni farisogo la, wala-sa saya fanga be min bolo, Sitane koni, a ka o barika ban ni saya ye.

1 Yuhana 3:8

Nin min be to ka jurumu ke, o bora Sitane de la, katuguni Sitane be jurumu ke kabini folofolo. Nin de y'a to Ala Denke y'i yira, wala-sa a ka Sitane ka kewaliw cen.

Romekaw 8:35, 37

Jonni na an fara ka bo Krisita ka kanuya la? Boneba wala nyani,

wala mogo ka tooro, wala kongoba, wala fyere, wala siran kow, wala npaan wa? ... Nga o fenw bee la an temenna see sorobaw kan an kanuba barika la.

Yakuba 4:7, 8a

O de koson, aye kolo Ala ye, aye jo Sitane nyaa ka a kele, ni o kera, a na boli k'i mabo aw la. Aye gere Ala la, ale fana na i gere aw la.

2 Tesalonikew 2:8

O tuma la o ton cenba na i yira, Matigi Yesu na a jeni ni a dafinye de ye, ka a halaki ni a yirali manamana ye.

Yuhana 13:35

Mogow bee na lon ko aw ye ne ka kalandenw ye nin de la, ni aw be nyogon kanu.

Yuhana 21:16

A y'a fo a ye a sinye filana na tun, ko: Zonasi denke Simon, i be ne kanu wa? A y'a fo a ye: Owo, Matigi, i y'a lon ko i koo kadi ne ye. A y'a fo a ye: Ne ka sagaw gwen.

1 Korontekaw 13:1

Hali ni ne be kuma mogow kanw ni melekew kanw na, k'a soro kanuya te ne kono, ne be iko denyen mankan cito wala weleninw.

1 Yuhana 3:14

An y'a lon ko an bora saya la ka don nyanamanya la, katuguni an be balimaw kanu. Nin min te a balima kanu, o tolen be saya la.

Galasikaw 5:22

Nga Nii Senu deen ye kanuya ye, ani nyagari, here, munyuli, hine, nyumanya, danaya, sabali, yere mineli.

1 Yuhana 4:20

Ni mogow do y'a fo ko a be Ala kanu, k'a soro a be a balima koniya, galon tigela lon, katuguni a nyaa be a balima min na, ni a ma o kanu, a nyaa te Ala min na, a be se ka o kanu cogo di?

Romekaw 4:25

Ale donna kiiri la an ka hakew
kɔsɔn, a lakununna an jɔ sɔrɔ
kɔsɔn.

Marika 16:9

Yesu kununnen kɔɔ, logokun
loon folɔ, sogoma daa fe, a ye i
yira Magedala Mariyama la folɔ.
A tun ye jine wolonwula gwɛn ka
bɔ o de la.

Yuhana 20:26-28

O kɔɔ tile seegin, kalandenw
tun be soo kɔnɔ tun, Toma tun be
u fe. Yesu nana i jɔ u cɛman, k'a
sɔrɔ soo daw tugulen be. A ko:
Here ka ke aw ye. O kɔɔ, a y'a fɔ

Toma ye, ko: I bolokɔni ke yan ka
ne bolow fe. I bolo monobɔ ka a
don ne kere la. I kana ke danabali
ye, fo danaba. Toma y'a jaabi, ko:
Ne Matigi ni ne ka Ala.

Kewaliw 10:39-41

A ye min bee ke Yahutuw ka
jamana la, ani Zerusalem, an de ye
o seerew ye, u y'a gwengwe yiri la
ka a faga. Ala y'a lakunun a tile
sabanen loon, ka a to a ka i yira
mogɔ dow la, nga mogow bee te, fo
seere minw nyanawolomana Ala
fe ka kɔrɔ, an kɔni, minw ye du-
muni ke ka minni ke a fe a kunun-
nen kɔɔ ka bɔ suw cɛman.

Matiyu 16:21

Kabini o tuma la, Yesu y'a daa mine ka a yira a ka kalandenw la ko wajibi lon a ka taa Zerusalem, ka tɔɔrɔ koo caman na cekɔrɔbaw ni saraka lasebaw kuntigiw ni sebennikelaw fe, ka faga, ka lakunun a tile sabanan loon.

Rɔmekaw 1:4

A kununni ka bɔ suw cɛman, o y'a yira ko a ye Ala Denke ye senuya Nii taa faan fe.

Yuhana 5:25, 28, 29

Tinye, tinye, ne b'a fɔ aw ye ko waati be na, o waati be sisan yere, mɔgɔ salenw na Ala Denke kan men, a menbaw na nyanamanya.

... Aw kana kabakoya o la, katu-guni waati be na, kaburu kɔnɔ mɔgɔw beɛ na a kan men. U na bɔ yen, koo nyuman kelaw na kunun nyanamanya kama, koo jugu kelaw na kunun kiiri kama.

Rɔmekaw 6:3-5

Aw ma a lon wa ko an minw beɛ batisera Krisita Yesu la, an batisera a saya de la? An suw ni ale suu donna nyɔgon fe batiseli fe saya la, walasa Yesu kununna ka bɔ suw cɛman a Faa nɔɔrɔ barika la cogo min na, o cogo la, an fana ka taama nyanamanya kuraya la. Ni an ni ale kera kelen ye a sayá bisigi la, an ni ale na ke kelen ye a kununni fana bisigi la.

2 Kōrentekaw 7:1

O layidu be an fe, kanulenw, o de kōson an ka an yerew saniya farisogo nōgolenya ani dusukun nōgolenya be la, ka saniyali dafa Ala nyaa siran na.

2 Timote 2:21

Nin mōgo min ye a yere saniya ka bō o kow la, o na ke baara nyuman ke minen ye, a bilalen be Ala ye ka saniya, a labennen be baara nyuman be kama, a na ben a matigi ka baara ma.

Efczekaw 1:4

A ye an nyanawoloma ale la sannu dien juu ka sigi, walasa an ka ke senumanw ni jalakibaliw ye a nyaa kōro kanuya la.

1 Piyere 1:15

Nga aw weleba ka senu cogo min na, aw yerew fana ka ke senumanw ye ten aw cogo be la.

2 Timote 2:15

I jija ka i yere yira Ala la iko baarakela min ye tōgo nyuman soro, ni maloya sababu t'a la, a be tinye kuma faranfasi coge sebe la.

1 Piyere 1:2

Faa Ala konna ka u lon, u nyanawolomalen be ka kenye ni o loniya ye, Nii Senu ka saniyali barika la, walasa u ka Yesu Krisita kan mine, ani a joli ka seriseri u kan. Neema ni dusu suma ka caya aw ye.

Senumanya Zehofa Ye

41

Luka 1:74, 75

A na a to an ka tla an juguw la, ka baara ke a ye ni siran te, senuya ni tlennenya la, a yere nyaa koro an shii bee la.

Ezayi 35:8

Siraba na ke yen, o sira na wele ko sira senuman. Feen nogolen tena temen a fe, a na ke u dama taa ye. A taamabaw tena fili a la, hali ni hakilintanw lon.

Heburuw 13:12

O de y'a to Yesu fana, walasa a ka mogow bila Ala ye ka u saniya ni a yere joli ye, a tcorola dugu koo fe.

2 Piyere 3:11

Ni o fenw bena yeelen ten, aw kakan ka ke mun sifa mogow ye, taama senuman ni Ala nyaa siran na.

Matiyu 3:11

Ne koni be aw batise jii la nimsili koon, nga min be na ne koo, o fanga kabon ni ne taa ye, ne mankan ni a ka sabara tali ye. O de na aw batise Nii Senu ani tasuma la.

1 Yuhana 1:9

Ni an b'an jo an ka jurumuw la, ale ye kantigi ye, a tlennen be, ka an ka jurumuw yafa an ma, ani ka an saniya koo jugu bee ma.

Kewaliw 1:8a

Nga aw na sebaya soro ni Nii Senu jiginna ka na aw kan tuma min na

Kewaliw 4:31

U ye Ala dali minke, u lajennen be yoro min na, o yereyerela, u bee fara Nii Senu la, u ye Ala ka kuma fo ni jaa gweleya ye.

Kewaliw 13:52

Kalandenw koni fara nyagari ni Nii Senu la.

Luka 11:13

Aw minw ka jugu, ni aw be feen nyumanw di cogo lon aw denw ma, aw sankolo la Faa tena Nii

Senu di a dalibaw ma ka temen aw ka di cogo kan kosebe wa?

Romekaw 8:9

Aw koni te farisogo taa ye nga aw ye Nii Senu taa ye, ni a y'a soro Ala Nii sigilen be aw konɔ. Krisita Nii te min konɔ, o tigi te Krisita taa ye fewu.

Kewaliw 11:24

Mogo nyuman nyuman lon, a falen be Nii Senu ni danaya la. Mogo caman caman farala Matigi kan.

Ezekiyel 36:27

Ne na ne Nii ke aw konɔ k'a to aw ka ne ka ton sigilenw taama ka ne ka koo latigelenw mara ka u ke.

Zaburuw 34:19

Zehofa kasurun mogo dusu kasilenw na, a be mogo dusu nimisibato kisi.

Ezayi 66:2

Ne bolo ye o fenw bee dlan; o fenw bee kera ten, Zehofa ye o fo. Nga ne na min fle, o ye fanntan dusu nimisibato ye, ni a be yereyere ne ka kuma nyaa.

1 Piyere 4:12, 13

Kanulenw, koroboli tasumaman min be aw ceman ka aw korobo, aw kana kabakoya o la, i n'a fo kabako feen ye aw soro. Aye nyagari, kamasoro aw ye niyoro soro Krisita ka torow la, walasa a

nooro fana mana yira tuma min na, aw ninsodiyalen ka nyagari haali.

Yirali 21:4

A na nyaji bee ce ka bo u nyaw la. Saya tena ke tun, nyanasisi fana tena ke tun, wala kasi, wala dimi, katuguni feen folow temenna.

Zaburuw 37:3

I jigi la Zehofa kan ka koo nyuman ke. I sigi jamana la ka balo a ka kantigiya la.

Matiyu 6:33

Aye Ala ka masaya ni a ka tlenanya folo nyini. Ni o kera, o fenw bee na fara aw taa kan.

Layidubaw Tara Korobolenw Ye

Zaburuw 34:20

Mogo tlennen degun kow kaca,
nga Zehofa b'a tla u bee la.

Heburuw 2:18

A be se ka korobolenw deme,
kamasoro a yere torola koroboli
fe.

Ezayi 43:2

Ni i be jiw ce tige tuma min na,
ne na ke i fe yen. Ni i be baw ce
tige tuma min na, u tena i tunu.
Ni i be taama tasuma ceman tuma
min na, a tena i jeni, tasuma tena
i mine.

1 Korontekaw 10:13

Koroboli si ma aw soro ni o te
mogo koroboli ye. Ala ye kantigi
ye, a tena son aw koroboli ka

temen aw barika dan yoro kan,
nga koroboli mana ke, Ala na bo
yoro yira, walasa aw ka se ka o
koroboli munyu.

Romekaw 16:20

Heretigi Ala na Sitane conkon
aw seen koro soni.

Romekaw 8:28

An y'a lon fana ko feen bee be
baara ke nyogon fe ka koo nyu-
man ke Ala kanubaw ye, olu ye a
ka welelenw ye ka kenye ni a ka
koo latigelen ye.

2 Korontekaw 4:17

An ka waatinin toro finyeman
be noroba ke an ye, a dama lon-
bali.

Layidubaw Tara See Sorobaw Ye

. 45

Yirali 21:7

Min ye see sorɔ, o na ke nin kow ceen tala ye. Ne na ke a ka Ala ye, a na ke ne deen ye.

Yirali 3:21

Min mana see sorɔ, ne n'a di o ma a ka i sigi ne fe ne ka masasigilan kan, iko ne fana ye see sorɔ, ka ne sigi ne Faa fe a ka masasigilan kan cogo min na.

Yirali 3:12

Min mana see sorɔ, ne na o ke samasen ye ne ka Ala bato soba kɔɔ, a tena bɔ kenema tun. Ne na ne ka Ala togo seben a kan, ani ne ka Ala ka dugu, Zerusalem

kura togo, o be jigin ka bɔ sankolo la, ne ka Ala yoro, ani ne togo kura.

Yirali 3:5

Min mana see sorɔ, fini gwe-manw na don o kaan na. Ne tena o togo josi ka bɔ nyanamanya kitabu la. Ne na a togo fo fana ne Faa nyaa koro ani a ka melekew nyaa koro.

Yirali 2:7

Nii Senu be min fo eglisiw ye, tulo be min fe, o ka o lamɛn. Min mana see sorɔ, nyanamanya yiri min be Ala ka alijene la, ne na o deen do di o ma, a k'a dun.

Romekaw 7:2, 3

Muso min furula, o sirilen be a cee la ton fe ka a cee nyanaman to, nga ni a cee sara, a horonyara a cee ka ton ma. O de y'a to, ka a cee nyanaman to, ni a kera cee were muso ye, a na wele jatomuso, nga ni a cee sara, a horonyara o ton ma. O tuma la, ni a kera dower muso ye, a te jatomuso ye.

1 Korentekaw 7:10, 11, 39

Minw furulen be koni, ne be nin gwelaya u ma, ne m'a fo de, Matigi de y'a fo, ko: Muso kana fara a cee la. Ni a farala a la, a furubali ka to, wala a ka segin a cee ma. Cee fana kana a muso bila... Ka

muso cee nyanaman to, a sirilen be a cee la o tuma bee la. Ni a cee sara, a horonyara. Cee min kadi a ye, a be se ka furu o ma, nga o furu ka ke Matigi la dama.

Luka 16:18

Mogo o mogo ye a muso furu sa ka dower furu, o be jatoya ke. Min ye walimuso furu salen furu, o be jatoya ke.

Matiyu 5:32

Ne koni b'a fo aw ye ko mogo o mogo ye a muso furu sa ni jatoya sababu te, o be o muso bila jatoya la. Min ye muso furu salen furu, o be jatoya ke.

Yakuba 5:8

Aw fana ka munyuli ke ka aw dusukunw sabati, katuguni Matigi nali surunyara.

Yuhana 14:3

Ni ne taara yoro dlan aw ye, ne be na kokura ka aw ta ne fe, wala-sa ne be yoro min na, aw fana ka ke yen.

Matiyu 24:27

Saan yegeyege be bo koron fe ka ye fo tilebi faan fe cogo min na, Mogo Denke na cogo na ke ten de.

Matiyu 24:30

O tuma la, Mogo Denke ka taa-mashyen na ye sankolo la. O tuma la fana, dugukolo kan siyaw bena kasi kanba bo, u na Mogo Denke

nato ye sankabaw kan ni sebaya ni nooroba ye.

Yirali 3:11

Ne be na soni. Min be i bolo, o mine kosebe, walasa mogo si kana i ka masa fugulan ta.

Matiyu 25:31

Mogo Denke mana na ni a nooro ye, a ni a ka melekew bee nyogon fe, a na sigi a ka nooro masasigilan kan.

Marika 8:38

Nin min maloyara ne ni ne ka kuma ma nin mowolo jaato jurumu kelaw ceman, Mogo Denke na maloya o tigi ma, ni a nana a Faa nooro la tuma min na, a ni a ka meleke senumanw nyogon fe.

Luka 21:27

O tuma la u na Mɔgɔ Denke nato ye sankaba kan ni sebaya ni nɔɔɔba ye.

1 Yuhana 3:2

Kanulenw, sisan an ye Ala denw de ye, an na ke min ye, o ma yira folo. An y'a lon ko ale mana i yira, an na ke a bonyogon kow de ye, katuguni ale be cogo min na, an na a ye ten.

Yirali 16:15

A fle, ne be na iko soon. Min be to a nyaa na ka a ka finiw mara,

walasa a fari lakolon kana taama, mɔgɔw kana a maloya ye, o ye du-baden ye.

Kewaliw 1:11

Olu ko: Galilekaw, mun na aw jolen be yan ka sankolo fle? Nin Yesu min korotara ka bo aw ceman ka taa sankolo konɔ, ale yere be na ten de, iko aw y'a tato ye sankolo konɔ cogo min na.

Matiyu 16:27

Mɔgɔ Denke be na a Faa nɔɔɔ la, a ni a ka melekew nyogon fe. O tuma la, a na mɔgɔw bee sara ka kenye ni u ka kewaliw ye.

Ala Ka Kuma

2 Piyere 1:21

Katuguni kiraya kuma ma na mogo sago la abada, nga Ala ye min di mogow ma, u kumana ka o fo Nii Senu barika la.

Zaburuw 119:11

Ne ye i ka kuma mara ne dusukun na, walasa ne kana na i hakte.

Matiyu 22:29

Yesu ye u jaabi, ko: Aw fililen be, katuguni aw ma Kitabuw korɔ lon, aw ma Ala ka sebaya fana lon.

Zaburuw 119:105

I ka kuma ye fitine ye ne seen ye, a be yeelen bo ne ka sira la.

Luka 21:33

Sankolo ni dugukolo na temen nga ne ka kuma tena temen.

Kitabu kuma bee kera a seben-nikelaw konɔ Ala dafinye fe. Nafa b'a la kalanni ni korɔfoli ni latlenni kama, ani kololi tlen-nenya la. —2 Timote 3:16

Duterɔnɔme 4:2

Ne be kuma min fo aw ye, aw kana do fara o kan, aw kana do bo a la, walasa ne be Zehofa aw ka Ala ka cii minw fo aw ye, aw ka olu mara.

Zaburuw 119:89

O Zehofa, i ka kuma sabatilen be sankolo konɔ fo abada.

**Published in numerous languages by the World Missionary Press
as God supplies funds in answer to prayer. If you would like more
copies for careful distribution, write in English to:**

**World Missionary Press, Inc.
Box 120
New Paris, Indiana 46553 U.S.A.**

Burkina Faso

209 Jula
Printed in USA